

Dispvtationes Theologicae

Quatuor Tomis distinctæ: Qvibus Vniversa Theologia Scholastica Clare,
Breviter & accuratè explicatur

De Deo, Et De Angelis

Martinon, Jean

Burdegalae, 1644

Sect. 2. An liberi actus diuinæ voluntatis addant aliquid in re distinctum.

[urn:nbn:de:hbz:466:1-73898](#)

290 Disput. XIV. de Deo, Sect. I.

set quicquid, & quam primum potuisset: neque de multis æqualibus & indifferentibus vnum alteri preterulisset, vt in plurimis fecit, & quotidie facit, producendo aut concurrendo id hoc potius individuum, quād ad aliud planè simile & æquale, vt ad hunc potius ignem, quād ad alium, cum inter hunc & alium, nullus sit ordo prioritatis essentia- lis, nec quidquam aliud ex parte subjecte aut aliunde, quod Deum potius ad hunc p̄ alio determinet.

Porrò libertas in nobis duplex est. Vna quoad exercitū, altera quoad specificatio- nem. Prior est omnino ad agendum, vel non agendum. Secunda est ad agendum uno modo, vel alio opposito, aut diuerso. Ideoque prior dicitur, contradictionis. Secunda, contraieratis, ad quam pertinet libertas diuersorum actuum tantum dispartitorum, vt velle hoc aut illud, qualis est in electione genii mediij p̄ alio, inter quæ tamen non est contraries, immo nec semper diversitas specifica, vt hunc equum p̄ illo eligere ad equitandum.

Vtraque libertas est in Deo. Ab æterno enim ita volebat, vt posset non velle efficaciter quicquam extra se, & ita volebat vnum, vt posset velle aliud diuersum, & posset nolle id quod voluit. Non poterat tamen diuina voluntas manere indeterminata, & determi- nanda, vel circa aliquot, vel circa omnia ob- jecta libera, quia immutabilitas diuina exclu- dit omnem mutabilitatem & successionem ac variationem internam, non tantum quod acc- cedit. Et decessu alicuius entitatis, sed etiā quod vsum liberæ determinationis. Deinde id non conuenit Deo, cui non potest deesse vlla conditio, vel dispositio ad determinandu- se, siquidem ab æterno nouit omnia perfec- tissime. Mera autem & pura indifferentia, & indeterminatio fine vlo vsum libertatis, non potest intelligi, nisi in defectu propositionis obiecti, vel conditionis necessariae. Si enim voluntas habet omnia necessaria ad vsum li- bertatis, & neque velle neque nolit, exercet tamen libertatem contradictionis, abstinentio ab veroque actu: & si in voluntate est debitum volendi vel nolendi, abstinentia illa est omis- sio imputabilis. Non repugnat tamen ut Deus ab æterno nec noller, nec velle quic- quam liberè, sed ab veroque liberè in æternum abstineret. Quia determinatio est ip- Deo ab æterno, maneret quoque in æternum propter immutabilitatem diuinam. Et hoc nō est nolle facere, neque velle non facere, sed simpliciter non velle facere, qui est tertius quidam vsum libertatis. Nam præter hanc de- terminationem volendi aut nolendi, est aliud vsum libertatis, qui est liberè non velle, licet non sit nolle.

Inclinatio quam Deus habet ad se communica- candum, nō officit eius. Contra id quod diximus, voluntatem diu- inam potuisse nihil velle corupi quæ liberè vo- luit, id est, nihil extra Deum existens, obijci potest primò, quod, vt habet D. Thomas q. 19. art. 2. in Deo sit vere naturalis inclinatio ad se comunicandum, sicuti est in qualibet re,

Ergo cōtra Dei naturalem inclinationem es- set, si non velle se communicare. Secundò Deus perfectius vult se ipsum, cūm non tan- tum sibi ipsi, sed alijs etiam se vult p̄ com- municationem. Tertio velle efficaciter se co- municare, est actio recta & honesta, qua Deus carerer, si nihil extra se efficaciter vell. Ac licet non sit perfectio entitatis, præter diui- na entitatem, est tamē perfectio veluti mor- talis, id est actio honesta, & decens, benefacen- tia & liberalitatis, aliarumque virtutum.

Ad primum, dictum est alibi, inclinationem illam non esse aliud quād naturalem aptitudinem se communicandi, non autem exigentiam, aut tendentiam, cūm qua sit inquierido, vel imperfectio, quousque sit communicatio, quæ tota habebit diuina libertati. Ad secundum, Respondeo negan- do id quod assumitur, videlicet ad perfectionem Dei necessarium esse ut velit se com- municare ad extra. Deus enim sufficit sibi ip- si, eiusque perfectio & beatitudo summa, & absolutissima, non pendet ab existentia crea- turarum. Quod si ex Dei perfectione, vlla es- set necessitas efficaciter volendi creaturas, esset ad omnes, quantum & quomodo possibi- les sunt, vse perfectè communicaret, & ex summa communicatione sumimam suam per- fectionem veller & consequeretur. Ad ter- tium dicimus. Et si sect. 4. Intercea negari non potest quin talis actio sit honesta & re- cta: sed non est melior diuina libertate, quād si vollet Deus non ita exercere pro iure suo, non esset vlla indecentia. Nam sicut potuit Deus velle se plus comunicare, quād de facto communicauerit, & deceret eius bo- nitatem ac liberalitatem communicare se plus in infinitum, quād se communicaverit: neque tamen vlla est indecentia in Deo quod non velit amplius se communicate: sic &c. Denique tota hæc rectitudi, & honestas actus liberi, est in Deo, & esset, se- cuendum entitatem realem, licet Deus nihil veller: quod rationem vero aut tendentiam liberam quam addit, continetur eminenter in perfectione diuina necessaria.

SECTIO II.

Anliberi vlus diuina voluntatis addant alii quid in re distinctum a Deo?

Espondeo actus diuina voluntatis, seu necessarios, seu liberos, nihil in re distin- tum addere. Cuius ratio summa est, quia substantia diuina est infinita simpliciter, & in- finita entitatis, Deo per se sufficiens ut ha- beat rationem cuiuscunq; actus, & cuiusq; eunq; perfectionis, fine vlo superaddito à parte rei distin-cto, vt patet ex dictis de attri- butis in communi disp. 3. & disp. 4. sect. 1. de simplicitate Dei. Ut autem breuiter occurramus difficultibus circa liberi- etus,

Necandum est primò voluntatem nostram, dum producit actus, seque ad illos producendos exercet, esse suummet exercitium, absque accessione ullius alterius realitatis. Licet enim actus ipsi qui producuntur, sint aliquid reale adiunctum: tamen principium ipsum ad illos producendos se exercens, & conferens vim suam, non habet aliquid in re distinctum intermedium, sed ipsum per se est suum exercitium actuum absque realitate intermedia adiuncta: abiretur enim in infinitum, si inter ipsum & effectum deberet esse distinctum intermedium, per modum exercitij & usus suis virtutis. Et licet diuina voluntas non pari omnino ratione se habeat, atque voluntas nostra: tamen hæc consideratio vallet ad ostendendum quod aliquid posse habere nouam rationem & exercitium per se, absque realitate ipsi adiuncta. Idque multò magis elucet in actu puræ omissionis, ubi datur exercitium libertatis sine vla realitate, ne quidem ex parte actus, voluntati superaddita. Vnde non erit difficile persuadere sentientibus de Dei maiestate ut decet, entitatem diuinam sufficere ut absque distincta realitate superaddita possit esse volitus aut nolitus cuiuscunq; obiecti.

Secundò considerandum est actum diuinæ voluntatis se habere quodammodo ad objecta libera, ut voluntas nostra se habet ad liberos actus, in eo quod sicut voluntas nostra, eadem in se membris intrinsecè, sine illa mutatione vel additione reali intra seipsum facta, exercet actum vel non exercet, & exercet hunc actum aut illius oppositum: sic actus diuinus, idem quoad realē entitatem, potest obiectum velle, aut non velle, aut nolle; & velle hoc aut illius oppositum: adeò ut actualis illa & perfectissima entitas, qua in Deo est velle, compacanda sit, non cum actibus nostris liberis, sed cum nostra potius voluntate: quia sic se habet quodammodo ad obiecta libera, ut voluntas nostra ad suos actus liberos. Nec mirum esse debet Deum per pauciora facere, quod nos per plura, vel modo quodam excellentissimo exercere, quod nos sine imperfectione non possumus. Est quidem discrimen inter voluntatem nostram, & actum Dei liberum, quod voluntas nostra recipit in se actum quem exercet: Dei vero actus non recipit in se obiectum in quod liberè tendit. Verum voluntas nostra non est libera formaliter: quia recipit actum, sed quia illum exerceat cum potestate ad oppositum. Ac si per impossibile exerceret non recipiendo, ponereque in alio; non desineret esse libera, si illum exerceret cum potestate indifferenti ad non ponendum. Cui autem diuina voluntas libere volendo non egeat alia entitate, vel actu distinto, neque illum admittat, ratio ea quia est infinita simpliciter, & infinitum velle, per se sufficiens ad omnia sine gl-

lius rei additione, habensque quicquid ad omnem actualitatem volendi necessarium est.

Tertiò considerandum est, in Dei voluntate liberè se exercente intelligenda, esse determinationem, & velut applicationem ad unum oppositorum: sed nullo modo in re distinctam ab illa. Et fatale est quod voluntas diuina non sit determinata ad multa, & modo quo posset per se solam, & à se esse determinata: & contrà, quod ad multa determinata sit, volendo, aut nolendo, aut non volendo efficaciter, circa quæ poterat aliter se habere, & non esse ita determinata. Sed hæc omnia per purum usum, similem exercitio voluntatis creata, sine accessu vel decessu entitatis distinctæ, ob rationem supradictam. Tametsi usus verè realis est. Nam Deus verè & à parte rei vult quocunque libere vult, sicut verè & à parte rei cognoscit intrinsecè, quocunque contingenter cognoscit.

Quartò denique considerandum est res ipsas creatas seipsum esse sufficietes ad se habendum diversimode sine accessu nouæ entitatis, aut entitatis quomodounque distinctæ à parte rei. Suppono enim id quod alibi fusè probandum erit, modos intrinsecos se habendi non distinguunt realiter, aut ex natura rei, id est, ut loquuntur aliqui, distinctione reali minori: sed esse res ipsasmet, quæ seipsum formaliter sunt extensa, ubiq; dantes, motæ localiter, seu locum succelinū mutantes, & alijs modis intrinsecè se habentes. Quod de motu locali, & de Vbi in principio probabimus infra in tract. de Angelis: de alijs verò in tractatu de Incarnatione disput. 5. sect. 3. & sequentibus. Unde minus mirum video debet, quod voluntas diuina, infinitè perfecta, sit seipso sufficiens ut seipsum formaliter realiter velit, quidquid contingenter & liberè vult, absque accessu ullius entitatis aut entitatulæ distinctæ à parte rei, per quam Deus intrinsecè & formaliter constitutus voldens. Idemque dico de scientia contingente, respectu intellectus diuini, qui pariter, ob suam perfectionem infinitam, Deo sufficit ad sciendum quidquid contingenter sit, sine accessu ullius distincti quo formaliter & intrinsecè constitutatur sciens. Ac sicut ex parte creaturali eadem res est, quæ est possibilis, antequam existat, & actu est, quando existit, habens tantum diuersum veluti statum & modum se habendi: sic ex parte Dei idem actus intellectus, & voluntatis, qui est essentialiter scientia, & volitio, seu amor omnium bonorum possibilium, odiumque & nolitus malorum: est per simplicem modificationem scientia contingens, & volitio libera eorundem obiectorum ut actu existentium, vel extitutorum.

Obijcitur præcipue: Ea quorum unus potest esse, non existente alio, distinguuntur à parte rei. Aqui voluntas diuina potuit esse, non existente actu libero, putat,

Est in illa
libera de-
terminatio

Disput.
12. ad 6.
Qum. 60. 19.

TIND
US.
RAN
VI
U

volendi creare mundum, aut saluandi Petrum. Ergo voluntas divina distinguitur à parte rei ab illo actu libero. Ergo per illum actum liberum accedit Deo aliquid intrinsecum in re distinctum. Nam actus ille Deo intrinsecus est, ut ostendemus scđ. sequenti.

Solutio obiectio. Respondeo, ubi est simplex modifica-
tio, seu res seipso, taliter se habens, nō est
et vnum & aliud: neque esse duo, quorum
vnum possit esse sine alio: sed esse vnum
tantum taliter se habens per se formaliter
realiter, & nos per formam vlo modo di-
stinctam in re. Quod in multis evidenter
probari puto ijs argumentis quæ afferemus
locis supra citatis, præcipue in disputat.
5. de Incarnatione. Quare huiusmodi rei
simpliter modificata non verè conuenit
quod dicitur in maiori propositione, Ea
quorum vnum potest esse non existente alio. Ne-
que enim ibi sunt ea, id est, duo, quorum
vnum posse esse sine alio: sed est tantum
vnum quid, ita se habens formaliter realiter
per suam propriam entitatem. Ar-
gumentum autem propositum non est in
forma. Nam in minori subsumendum erat;
sed voluntas diuina & actus Dei liber sunt
ea quorum vnum potest esse, non existente alio.
Quæ minor falsa est, quia actus liber ni-
hil est aliud, quam ipsa voluntas simpli-
citer modificata, & per seipsum formaliter
realiter ita se habens circa obiectum
quod liber vult. Cum autem dicitur in
maiori argumenti propositioni ab Adversariis,
male fulcumpræ: *Quia voluntas diuina po-
tuit esse non existente actu libero: abstracta il-
la, ad vitandum errorem, sunt resoluenda
per concreta, in hunc modum: Potuit esse
voluntas diuina, & non taliter se habere
ut se habuit circa mundi creationem, aut
Petri salutem: concedo. Potuit esse non
existente aliqua forma distincta, aut enti-
tatula, quæ sit actus liber volenti mundum
creare, ut Petrum salvare nego.* Eodemque
modo respondendum est his &
similibus propositionibus, quæ formantur
de modis: Potest esse quantitas sive exten-
sione: Potest esse res sine duratione: Po-
test esse corpus sine hoc vlo intrinseco,
&c. Debent, irrumam, hæc abstracta, quæ
impropriè usurpantur in tali materia, re-
solvi per concreta: Potest esse quantitas
& non taliter se habere ut sit extensa, id
est, habeat partes extra partes in ordine
ad locum. Potest esse res, & non permane-
nere in esse. Potest esse corpus, & non
implere seipso hoc spatum, cui per seip-
sum realiter formaliter præsens est: est
enim impossibile ut sit præsens formaliter
per aliquid à se distinctum: sicut est
impossibile ut existat formaliter per al-
iquid à se distinctum. Quidquid enim a-
liud, quomodoquaque distinctum, ponatur
in spatio: non est corpus illi spatio
præsens, si ipsum in illo non est. Si autem
corpus in illo est, est illi præsens, circum-

scripto quoconque alio quomodoquaque
distincto. Quare evidenter superflua est
entitas, aut entitula, vel modus in re
distinctus, ut per illum fiat formaliter præ-
sens. Quo eodem argumento, cum pro-
portione applicato, demonstratur eviden-
ter esse impossibile rem villam existere for-
maliter per existentiam à se distinctam.

SECTIO III.

*An actus liberi addant aliquam perfec-
tum Deo intrinsecam, ratione sal-
tem distinctam?*

IN hac grauissima difficultate variaz sunt
Theologorum sententiaz. Prima est Ca-
pitolii in 1. Sententiarum, distinct. 45. Molin-
quest. 1. articulo 2. Ferrariensis 1. contra
Gentes, capit. 75. & 76. Molinæ quest.
19. articul. 2. disput. 2. Bannis, & Cumel.
ad eandem questionem articulo 2. Barthol.
Medinæ, Sylvestri, & aliorum Thomistarum,
affirmantium actus liberos nihil ad-
dere diuinæ voluntati, aut volitioni ne-
cessariæ, nisi relationem rationis ad obie-
ctum, in quod liber vult. Quæ opinio
si propriè loquatur de relatione rationis,
id est, de figura intellectus concipientis
esse relationem, quæ nec est, nec esse
potest, velutque Deum constitui forma-
liter libere volentem per huiusmodi fig-
mentum, est planè improbabilis. Etenim
Deus verè à parte rei, & nullo singente
intellectu, voluit libere ab æternō, quæ-
cunque voluit. Estque evidenter impos-
sibile Deum constitui volentem vitaliter &
realiter (sicut verè vitaliter & realiter
vult) per merum figuramentum rationis, id
est, per id, quod neque est, neque esse po-
test, sed concipiatur quasi estet. Deinde
ab æternō Deus voluit quidquid libere
voluit. Non fuit autem ab æternō intel-
lectus ullus creatus qui relationem illam
rationis fabricaret. Deus quoque non fin-
git entia rationis, sed cunctumque co-
gnoscit, sicut est. Cùmque cognoscit, se
libere velle, ratione prius est libere vel-
le, quæ cognosci: aut saltē est ratio-
ne diuersum, neque formaliter constitui-
tur libere volens per hoc quod cognoscit
se libere velle. Cùm denique voluntas
Dei libera & efficax sit causa rerum, sive
immediata, ut aliqui volunt, sive potius
mediante omnipotencia quam applicat: in-
possibile est, actum illum liberum, esse me-
rum figuramentum rationis: quia figuramentum
rationis, quod verè nihil est, & neque est,
neque esse potest, non potest esse vera &
realis causa aliquius rei. Sin autem At-
tores istius sententiaz aliquid aliud intel-
ligunt, quam ens rationis propriè dictum,